

non si mostra amico nè di un nè di l'altro, et da li oratori cesareo et dil re Christianissimo è molto frequentato di audientie.

Di Bergamo, di rectori, di 22, hore

Come era intrato in Milan il capitano Arcon con certe zente, *ut in litteris*. Scriveno, quella terra è nuda di presidio alcuno, non vi è alcun fante, li cittadini è fuora, *unde* fanno tutte le provision potranno per metter zente di le vallade in la terra; ma non è da far fondamento di loro.

Et essendo questa mattina zonto a san Zorzi mazor in la caxa preparatali il ducha di Urbin capitano zeneral nostro, venuto per la via di terra da Pexaro a Chioza, el fo mandato per li Cai di XL sier Domenego Venier e sier Zuan Francesco Badoer savii a terra ferma, sier Donà Malipiero, sier Zuan Boldù savii ai ordini per andarlo a condur in Collegio. Soa excellentia senza aspettar vene in Collegio, sichè li scontrò questi a la riva di palazzo, et in mezzo di Cai di XL vene in Collegio. E con lui era sier Piero da cha' da Pexaro procurator, provedador zeneral electo, et intrato disse

Da poi disnar fo ordinato Pregadi, per dar Zonta al Collegio, et poi leto le lettere.

47* Fu posto, per i Savii dil Consejo e terra ferma, elezer *de praesenti* 3 Savii dil Consejo per Zonta fino per tutto Decembrio proximo con pena, *ut in parte*. Ave 167 di sì, 19 di no. E fu presa. Et fu fatto il scurtinio, tolti numero 7, rimase sier Domenego Trivixan cavalier, procurator, sier Lunardo Mozenico procurator, sier Polo Capello el cavalier, procurator, soto sier Alvise di Prioli procurator, sier Lorenzo Loredan procurator, poi sier Zorzi Corner el cavalier procurator, qual per esser papalista et infermo di gote cazete. Et sier Francesco Corner cavalier procurator so' fiol andò a la Signoria volendolo excusar, che per la sua egritudine non si poteva adoperar per esser pien di gote, poi è papalista, *tamen* non posendo per la leze far di men, volseno fusse ballotato, et il Consejo fè cazer.

Scurtinio di tre Savii dil Consejo di Zonta al Collegio, con pena, iusta la parte.

Sier Zorzi Corner el cavalier procurator, fo savio dil Consejo,

Sier Nicolò Michiel el dotor, fo avogador di comun,

Sier Alvise di Prioli procurator, fo savio dil Consejo, qu. sier Piero procurator,

† Sier Domenego Trivixan el cavalier procurator, fo savio dil Consejo,

Sier Lorenzo Loredan procurator, fo savio dil Consejo, qu. Serenissimo,

† Sier Polo Capello el cavalier procurator, fo savio dil Consejo,

† Sier Lunardo Mocenigo procurator, fo savio dil Consejo, qu. Serenissimo.

Li qual Savii fo fatti con bollettini, et per li Censori fatti andar tutti al capello a butar uno bolletin, et chiamati davanti la Signoria introno *immediate*.

Fu posto, per li Consieri, una taia a Vicenza, *videlicet* che l' sia concesso licentia a sier Antonio Justinian capitano di Vicenza, far proclamar che quelli acuserà chi amazò Lorenzo da Montagnana fameio dil Capetanio, essendo andà a far pegni, andando a caxa a hore una di nocte, etc. *Item*, sapendo chi sono, possi meterli in bando di terre e lochi, con taia vivi lire 500; morti 300. 161, 1.

Fu posto, per li ditti, una taia a Uderzo, come apar per *lettere di quel Podestà, di 14, di lo instante*, di alcuni che *proditorie* amazono uno Bonelo fiorentin, bandirli di terre et lochi con taia lire 500 vivi, et 300 morti, *ut in parte*. Ave 159, 2, 8. Et fu presa.

Fu reduto il Pregadi in sala nuova d'oro a presso il Collegio, et ozi principiò et cussi come prima li Avogadori e Cai di X sentavano sul tribunal, cussi il Serenissimo ordinò fusse fatto do lochi su li banchi, uno di là dove sentano li Avogadori, et uno di quà dove sentano li Cai di X, et poi di là di la porta dil Collegio, dove sentano li Censori, et per questo sier Francesco Foscarei cao di X fo dal Serenissimo dolendosi non volse venir in Pregadi, ma stete dove se redusse il Consejo di X, zoè li capi, a dar audientia, nè pol patir li Cai di X sia posti a sentar in alcun loco senza loro saputa. Ma sier Donado Marzello e sier Bortolomio Contarini andono ben a sentar al loco suo.

Hor fo chiamà il Consejo di X in Collegio con tutte do le Zonte, li Procuratori et il Collegio, e stetenò assà dentro; ma prima nel Consejo di X semplice, atento tre del Consejo erano cazadi per esser papalisti, *videlicet* sier Sebastian Justinian el cavalier, sier Polo Trivixan da santa Maria Matter Domini e sier Hironimo Loredan fo dil Serenissimo, fu posto e preso, di far scurtinio et elezer